

PRINSIPYO ug KATUYOAN  
sa UNITARIAN UNIVERSALIST sa PILIPINAS

KITA, MGA MEMBRO SA UNITARIAN UNIVERSALIST  
CHURCH SA PILIPINAS NAGAKAUYON SA  
PAGPAUSWAG UG PAGPAMATUOD NGA;

- Adunay Dyos;
- Ang tiunay'ng bili ug kahalangdon sa usa ug usa;
- Sa tawhanong pagpakigrelasyon, ang kaangayan, kalooy ug ang matarung mao ang magpa-ibabaw;
- Ang pagdawat sa usa'g usa ug ang pagdinasigay diha sa espirituhanong paglambo sulod sa atong mga kongregasyon;
- Ang gawason ug responsabing pagpangita sa kamatuoran ug kahulugan sa maong kamatuoran;
- Ang katungod sa konsensya ug ang pagamit sa demokratikahong pamaagi sulod sa atong kongregasyon ug sa katilingban;
- Ang tumong sa katilingban sa Kalibutan nganha sa kalinaw, kagawasan ug hustisya alang sa tanan; ug
- Ang pagtahud o pagrespeto sa panaglambigit sa tanang adunay kinabuhi ug wala diin ang katawhan nahimong kabahin.

**KINING MUSONUD MAO ANG BUHI UG LAB-AS NGA MGA TRADISYON NA ATONG GIPAKIG-AMBITAN GIPUPO GIKAN SA UNOM KA NAGKALAINLAING TINUBDAN:**

1. Deritso nga kasinatian nianang talagsaong mistiryo o tanghaga nga gipamatuod sa tanang kultura; nga nakapalihok sa tawo ngadto sa mabag-ohon nga espiritu ug madawaton sa oportunidad, serbisyo nga makapahimo, makapatuboy ug makapabarug sa kinabuhi.
2. Mga pulong ug buhat sa mga manalagna, babaye ug lalaki nga naghagit kanato sa pagpakigharong sa gahum ug gambalay nga mga dautan pinaagi sa katarungan, kalooy, ug mabag-ohong gahum sa gugma. (*the transforming power of love*).
3. Kahibalo gikan sa nagkalainlaing relihiyon sa kalibutan nga nakapadasig sa atong makatarunganon ug relihiyosong kinabuhi.
4. Mga pagtulon-an gikan sa Judismo ug Kristianismo nga nag-awhag kanato sa pagtubag o pagbalos sa gugma sa Dyos pinaagi sa paghigugma sa atong silingan sama sa atong kaugalingon.
5. Mga Humanist teachings nga nagtambag kanato sa pagpaminaw sa atong salabutan o pangisip ug rason ug ang mga resulta sa pagtuon sa siyensya nga magpahimangno kanato batok sa pagsimba o pagbathala o pagbalaan sa atong hunahuna ug espiritu ug ang katapusan
6. Espirituhanong pagtuo sa mga Earth-centered traditions nga nagsaulog sa pagkabalaan niining sirkulo sa kinabuhi ug nagtudlo kanato sa pagpuyo nga mahi-oyun sa kompas o linihokan sa atong kinaiyahan.